

新編
樊山

批公判

讀精華

東溪州堂
原本

新編樊山批牘精華目錄

恩施樊增祥嘉父

卷十一

批房書楊先甲呈詞

批王順官呈詞

批蔡鳳魁呈詞

批李順福稟詞

批王寶兒呈詞

批生員劉瀚章呈詞

批劉萬智呈詞

批王仲英稟詞

批田紀鳳稟詞

批張萬智呈詞

批廩生王鳴鳳訴詞

批韓趙氏呈詞

批王祥盛呈詞

批史國富呈詞

批張家豐呈詞

批聶振江呈詞

批楊張氏呈詞

批蔣張氏呈詞

批王春和呈詞

批郭見榮呈詞

批流民邵景華呈詞

批張楊氏呈詞

批高步瀛呈詞

批邵景華呈詞

批劣生韓映離呈詞

批杜震仰呈詞

批張蘇氏呈詞

批李資堃呈詞

新編樊山批牘精華卷十一

恩施樊增祥嘉父

批房書楊先甲呈詞

久則生玩。人情類然。本縣初到任時。房差各懷敬畏。今見本縣相待和平。遂爾疲玩。嘗試殊不知官與房差朝夕相見。斷無日日生氣之理。公事下得去。自然待得好。若怠玩誤公。有心朦混。本縣執法嚴明。豈能輕恕。廉恥須要自愛。髮膚須要自惜。職分須要自盡。飯碗切勿自砸。前日軍糧比較。短至千數百石之多。而兵書袁學慎將比期挪移一月。爾等抬頭試看本縣豈可欺者耶。枷而未打。已屬格外從輕。欠糧升合未補。而又遽請開枷。爾等自問公事上下得去否。著稟復候奪。

批王順官呈詞

此呈係何人寫作。何以無代書戳記。爾妹被其夫兄毆逼投井。何人看見。爾與爾母爾舅聞報往看。任喜兒等持械趕逐。爾與爾舅逃跑。何以棄爾母於不顧。致被毆傷。究竟爾母現在何處。查爾妹十三日投井。今已五日之久。是否已經棺殮。抑尙停尸待驗。均未聲明。如果尸未入棺。時當三伏。尸停五日。任氏兄弟及該村鄉約。豈有不

報請詣驗之理。如已入殮。棺豈可以輕開。現在藉屍訛詐之案。不一而足。抑役迅喚任喜兒。及年有村鄉約來案具稟。原報王順官隨堂候訊。

批蔡鳳魁呈詞

爾兄物故。遺有一妻一妾。爾欲搬回同度。而程命子輒將爾兄妾蘇氏匿藏。即使爾兄真欠命子錢文。亦不能將人作抵。其中定有別情。爾商州人專以賣寡婦爲事。爾之往搬孀嫂。果是好意乎。抑欲賣錢肥己乎。著差約查明覆奪。

批李順福稟詞

稟詞不甚可解。崇玉來牽牛過渡。船到河心。將崇玉來滴於河內。滴字不知何解。人甫落水。自應卽速撈救。何以云入水找尋。不見形迹。情詞殊屬荒唐。現在牛在何處。玉來家屬曾否告知。均未申敘。候傳訊。

批王寶兒呈詞

異姓亂宗。照例不准。爾以商州客民。與渭南權萬鎰承嗣。本屬有干例禁。承繼五日。被逐離門。正是權萬鎰夫婦好處。而爾乃控請拘究。試問昨日爲爹娘。今日成被告。爾之糊塗混帳。亦概可知矣。此案無庸傳訊。仰役將王寶兒帶案。遞回商州完事。

批生員劉瀚章呈詞

瘋秀才又來矣。疑義不能析。爾之恨也。奇文共欣賞。我之幸也。語云心病須將心藥醫。本縣不會醫病。纏我何爲。

批劉萬智呈詞

姑准銷案。結擲還。天下豈有父子講和。互具遵依之理。爾等糊塗該死。

批王仲英稟詞

所稟乃小事耳。同學讀書。以和爲貴。爾等齋舍破漏。如果齋長不肯修理。儘可隨時告訴院長爲爾等作主。否則於官課時告我。必當立飭修葺。田紀鳳在書院屢考第一。茲被稟計。其知者謂爾等因公。不知者謂爾等忌才。甚不可也。仰禮房陳賓。迅往五鳳書院勘明。如有齋舍穿漏者。立即補葺完好。俾諸生安靜用功。此飭。

批田紀鳳稟詞

該齋長品學素爲本縣器重。異已排擊。事所時有。不必固辭。

批李宗桂呈詞

王仲英佔踞書院。而本縣官課從未應考。其不通可知。自己不通。而反忌人之才。竊

名妄稟。此尙得覘然人面列於士林乎。王仲英著遂出書院。永遠不准考課。至李蔚坤書法尙好。兩年以來。詩文亦有進境。本縣期其發達。乃竟與王仲英朋比。誣訐實屬不知自愛。李蔚坤姑從寬申斥。倘再不悛。鳴鼓攻之可也。

批張萬智呈詞

爾昨日遞一呈。今日又遞一呈。寫呈不要錢乎。這是何苦。

批廩生王鳴鳳訴詞

此案卜云吉誠爲可惡。若謂賀德隆不應考試。卽不當出結具保。既經具保。而又臨考訛錢。勒令賀德隆書立百金借約。得約在手。而又不准其終場。此等奸詐小人。實屬青衿之蠹。前於七月廿二日集訊。人證未齊。原被供詞各執。當將該廩生卜云吉管押。飭傳要證穆風清等到案覆訊。乃事隔兩月有餘。賀德隆及穆風清等延避不案。實堪痛恨。本縣查得賀德隆稱卜云吉指約訛銀。事屬有因。卜云吉供稱賀德隆捏名賀鴻機跨考涇陽。亦非虛語。賀德隆以民壯之子應考。畏人攻訐。甘心出錢。又圖跨考。亦屬咎由自取。而爾王鳴鳳事不干己。從旁發話。均屬不安本分。有玷斯文。本應集案一併嚴懲。姑念賀德隆銀未持出。卜云吉管押七十餘日。法足蔽辜。從寬

一批了事。卜云吉前已查取年貌。姑免詳革。移請儒學註劣。以後遇有考試。永遠不准作保。以爲貪詐者戒。賀德隆所立百金借約。無論現存誰手。將來持出作爲廢紙。併准其將持票索銀之人。送案懲辦。韓有書劉建烈畏罪遠颺。姑免置議。爾與穆風清亦著悔過自新。勿再多事干咎。卜云吉著卽取保出押。將此批牌示儀門。俾衆周知此飭。

批韓趙氏呈詞

革差張金柱。從前謀娶爾女。致與耿永信構訟。爾亦豔其充差之勢。將已許耿姓之女。任張金柱先姦後娶。此案若遇本縣審斷。早將張金柱打死。而前任庇差袒斷。竟遂其娶謀之心。可謂毫無天理。金柱旣得爾女。自應心滿意足。乃又久而生厭。途次遇見靳申兒之妻靳康氏。卽與勾搭。旋即僱至家中。兩女一男同居一室。爾女韓秀女產後。爾婿卽與靳康氏在炕下宣淫。以致秀女妒姦怒罵。威逼靳康氏吞煙自盡。事後賄買屍夫靳申兒。自具懇呈。情甘勿究。夫張金柱以一革差。奪人之妻於前。又因姦致死僱婦於後。控經驗喚。抗避不到。經本縣將秀女管押官媒。比差勒緝。甫於屍夫懇息以後到案。似此凶淫稔惡。言之皆裂髮衝冠。而爾尙敢一再懇恩。老虔婆何

其膽大無恥。候隨堂訊斷。

批王祥盛呈詞

爾自不小心。鋪夥均一睡如死。以致所染布疋被竊。欲以一報了事。情殊刁劣。總之既經票緝。差由本縣提比。布由爾鋪認賠。一定之理。爾遞此呈。將欲本縣賠贓乎。可謂糊塗已極。該票差亦不得臥票懈緝。如延重比不貸。

批史國富呈詞

本縣性雖燥烈。心實公平。每遇阻公取巧之人。必枷責備出。言過激時亦有之。若急公任事之人。又未嘗不傾心禮敬。前據雷震遠等稟爾坐視不理。致倉糧不能收納。當令差催速納在案。茲據稟稱該紳兄弟二人。坐倉收糧。墊發口食。實屬樂善奉公。深堪嘉尚。而雷震遠必欲造謠稟計。誠不解其何心。總之倉糧必須收齊。候飭差嚴催各花戶。上緊輸納。如延枷責。該紳亦宜始終一致。勿生懈志。勿聽浮言。幫助本縣將倉糧收齊。使荒年得以有備。善莫大焉。此飭。

批張家豐呈詞

爾子入學乃喜事也。訟則終凶矣。入學謝師乃雅道也。已寫銀十八兩。而又面祈減

少則成市道矣。劉生員代爾子寫銀。無非爲好之意。爾竟事後翻異。歸過於廩保。誹謗及學師。殊屬肆口妄言。糊塗慳吝。况儒學與本縣面言。爾卽稍稍短交。未嘗不可。乃向門斗謊稱銀已帶來。必須面交。及見面則並無銀兩。一味當面講價。爾如此行爲。尙自以爲有理耶。今旣來案。着卽日交銀十六兩。以憑持送儒學。如違卽交兵房管押。聽候訓責。爾自打算可也。

批聶振江呈詞

爾黑驢在胡進財家拴喂。或者實係村外拾得。亦未可知。何以知是步振芳胡順娃李萬才等撥門行竊。伊等撥門之時。是誰看見乎。所呈荒謬已極。候差約查明。處令還驛。勿得以風影之詞。牽控多人。自干懲究。

批楊張氏呈詞

爾自稱嗣子不肖。浪蕩不歸。爾嗣子究於何年何月出門。有無音信。例載夫無故出門。三年不歸者。准其妻別嫁。茲爾子出外。爾媳歸甯。被其父轉嫁。是否與爾商明。抑係硬行作主。爾一面之詞。殊不足信。候飭差約查復。主奪。

批張蔣氏呈詞

爾自己女兒。爾妹何能作主。許與鄭變過爲妻。許後方告爾知。爾不答應。卽要搶親。天下那有此事。所呈恐有捏賴。候喚訊嚴究。

批王春和呈詞

賣主貪多另售。亦是恆情。德盛邵雖未得樹。亦未花錢。何妨卽將此錢另買他人之樹。而必斤斤作守株之計耶。爾額顙驗係劃傷。明明自種。所控不准。

批郭見榮呈詞

爾與郭小蘭並非故交。偶爾相識。卽留在鋪內歇宿。自己去看影戲。致伊將布疋錢帖席捲而逃。爾自引賊入門。慢藏誨盜。與本縣何干。旣云小蘭是咸甯人。着自向咸甯去告。本縣不管。

批流民邵景華呈詞

修廟敬神。原爲祈福行善。乃神樓甫竣。卽打官司。然則非求福是求禍矣。控關門斗吞味布施。強拿錢帖。候請儒學查明究理。如果該鬥不遵訓飭。卽請儒學送案懲迫。

批張楊氏呈詞

爾夫出外爲僧。有何憑據。若妻嫁而夫復歸。爾將何顏以對。着自與族衆商議。不准立案。

批高步瀛呈詞

運送軍裝。現將告竣。而值年更替。又係定章。自未便使爾四甲獨受勞勩。惟查軍裝尾數不多。若將四甲所辦之車。一齊撤回。由五甲另起罐竈。不惟誤公可慮。爾四甲亦太覺薄情。今由本縣處斷。如果臘月朔日。四五兩甲接換之期已屆。而軍裝尙未運齊。卽着五甲值年來縣。會同經理。仍就現在台車運送。不得過分彼此。再查此次軍裝。不過再用至二三百輛而止。俟其用過。卽將爾四甲之車。一齊放回。以後再有兵差。卽責成五甲來縣支應。仍由外九甲攤幫差費。以昭公允。各宜遵照勿違。將此批牌示五十六里知之。

批杜震仰呈詞

這箇訟師。頗會做呈子。姑准喚究。

批邵景華呈詞

凡有興作。須量入爲出。爾等將神樓修起。捐款未收。欠項未了。輒演戲三日。請客數

十席費錢無算。事後彼此混吵。捏情妄控。均屬可恨已極。候一齊痛打不貸。

批張蘇氏呈詞

爾姑媳二人。爾年才四十。田氏年才三十。中年寡婦。書香人家。宜何如潔身自愛。乃田氏在家不自檢束。爾又久住華陰。近來田氏控其鋪夥韓炳德。爾卽從華陰回渭。首送田氏不孝。而所言皆去年之事。其爲炳德主使無疑矣。案經訊明。韓炳德領做義盛德鋪事。私出昶盛德錢帖。又拘使本錢六十餘串。業經斷結押追。是爾媳並非妄控。爾乃受人唆使。於結案以後。婆媳重又生波。試思爾夫爾子。非紳卽衿。本縣處處留爾體面。而爾必欲使張氏門風掃地爲止。誠不解其何心。現據田氏訴稱。爾受爾兄蘇丹桂唆使。欲分家業。其言誠非無因。今由本縣斷定。爾婆媳如各念故夫情義。自應兩世同居。撫孤嗣業。如實不相能。亦宜憑同族長要親秉公分析。惟爾等爲夫家守節。均不得私厚母家。若爾媳以家財與田姓。准爾控告。爾若以家財與蘇姓。亦准田氏呈控。爾之兄與田氏之弟。准其親戚來往。不准盜轉財物。經此次批定以後。各各安分守婦。顧全夫家顏面。至要至要。

批劣生韓映離呈詞

爾在前任時。恃矜唆訟。盤踞衙前。包攬官司。累害百姓。無人不知。無人不恨。本縣到任。稍知斂迹。不復如向時橫肆。本縣向來不咎既往。但使在我任內。不滋事端。則我亦不爲已甚。乃自去秋以來。又漸漸蠢動。常住衙前。多管閒事。前次過堂。兩造俱呼爾爲韓老爺。爾之氣焰可知矣。爾有多大本領。敢將本縣作前任看待。獨不懼筆尖一掃。將爾碎爲齏粉乎。卽如流民邵景華等。借修神樓爲名。募錢助工。修理之費尙且不足。而竟唱戲三天。請客數十席。爾闖入其中。吃喝數日之久。及至拖欠甚鉅。爾又嗾令流民與門斗互訟。爾身立高岸。看人翻船。卽此一端。已堪打殺。業經移取年貌在案。本擬詳革後。提案痛笞。茲乃俯首求恩。聲稱情愿將流民門斗之事了結。姑准爾取具安。保限十日內將神樓之案處息。如再來妄瀆。定將爾與邵景華孟希盛張堃等一班混帳東西。一齊重責不貸。

批李資堃呈詞

爾五美堂之事。本縣知之稔矣。同堂兄弟。早已分家。遇有公事出賃。自應公攤分認。此次李建愷在縣供支兵差。需錢九百餘串。爾等在鄉收錢。僅交四百餘串。下餘之款。究應作何歸結。李建功一無賴監生。平日坑害鄉人。不知凡幾。此次建愷支差任

其勞而建功建和收錢食其利。事之不公。無逾於此。爾爲鄉紳。情關棠棣。理應催令將錢措交清楚。勿使建愷受累呼冤。乃云曾經酌杯慰勞。然則建愷飲爾一杯酒。卽應賠錢四五百串之多乎。此事一經堂訊。恐爾等無詞可解。惟旣據懇免過堂。尙知顧惜顏面。仰卽前赴差局。會同各鄉正及建愷等。將帳算明。如數公攤。公派收交。李建愷了事。如事不了。卽着當堂聽候訊斷。必有昭公道而快人心之處。爾等其細思之。

新編樊山批牘精華目錄

恩施增樊祥嘉父

卷十二

批王壽祥呈詞

批曹生銀呈詞

批李鈞呈詞

批李永濬呈詞

批黨梁氏呈詞

批劉李氏呈詞

批張世全呈詞

批毛德呈詞

批權永來呈詞

批李王氏呈詞

批雷世俊呈詞

批薛韓氏呈詞

批王遇賓呈詞

批王士珍呈詞

批雷賈氏呈詞

批姜敬輝呈詞

批王福平呈詞

批朱金盛呈詞

批董廷銀呈詞

批李凌峯呈詞

批何恩壽呈詞

批蘭積玉呈詞

批王欽呈詞

批王念祖呈詞

批雷延祥呈詞

批郭光興呈詞

批張炯焱呈詞

批王史氏呈詞

批曹李氏傷單

批溫道娃呈詞

批雷延祥呈詞

批張永裕呈詞

批徐尹氏呈詞

批劉映葵呈詞